

尚書協異

尚書協異卷下

商書

湯誓 史記殷本紀所載與此篇略同其小異者錄出之

王曰格爾眾庶 殷本紀作湯曰格汝眾庶來女接來女二字
乃衍文

非台小子敢行稱亂 本紀非作匪稱作舉釋言偁舉也稱偁
通

有夏多罪天命殛之至不敢不正 本紀作有夏多罪予維聞
女眾言夏氏有罪予畏上帝不敢不正今夏多罪天命殛之

今女有眾女曰我君不恤我眾舍我舊事而割政按史記此文倒亂又多今夏多罪一句當以唐本爲正

今汝其曰夏罪其如台 本紀作女其曰有罪其奈何

夏王率遏眾力率割夏邑有眾率怠弗協 本紀遏作止割作奪邑作國弗協作不和馬本亦作不和釋詁遏止也協和也曰時曰遏喪予及汝皆亡 孟子引湯誓作時日害喪予及女偕亡按詩傳曷害也曷害古字通本紀作是日何時喪予與女皆亡

爾尚輔予一人至罔有攸赦 本紀輔作及賚作理爾無作女

母爾不作女不孥戮作帑僂罔作無按孥戮說已見甘誓鄭
康成注此云大罪不止其身又孥戮其子孫孥與子孫重出
分明合作奴字轉寫誤也其下卽引周禮其奴云云則鄭氏
亦以此孥字爲奴明矣今當從之

湯誓第五

盤庚 史記殷本紀於此篇但撮大意不依經文今不錄伏生
二十八篇內盤庚止一篇殷本紀則云盤庚三篇遷書多古
文說蓋孔壁所得分伏書一篇爲三實非有異於伏書也鄭
本亦三篇今仍從伏生本春秋傳引此篇作盤庚之誥國語

作般庚杜篤傳亦作般庚釋文盤本又作般盤般通

率籲眾戚 說文引商書作率籲眾戚戚通

卜稽曰 說文稽作卜云卜灼剝龜也卜卜以問疑也讀與稽同書云卜疑

若顛木之有由葉 說文引商書若顛木之有由葉云伐木餘也又𠂔字下云木生條也商書曰若顛木之有由𠂔古文言由𠂔釋詁𠂔餘也由𠂔葉𠂔𠂔並通釋文葉本又作𠂔

盤庚敷于民 說文敷覺悟也通作學

王播告之修 說文引作王譚告之云敷也

今汝聒聒起信險膚 鄭注聒讀如聒耳之聒聒聒難告之貌
說文引商書作今女𢇛𢇛云善自用之意也信古伸字按士
相見禮君子欠伸注古文伸作信儒行信其志注讀屈伸之
伸假借字也

予若觀火予亦拙謀作乃逸 周禮注引予若觀火讀如司燿
之燿云今燕俗名湯熱爲觀說文引商書予亦𤇗謀讀作巧
拙之拙云火光也今並不從

有條而不紊 說文紊亂也引商書有條而不紊
若農服田力穡乃亦有秋 漢成帝紀引作服田力𡿨乃亦有

秋穡齋通

不昏作勞 馬本與唐本同鄭讀昏爲瞢云勉也釋詁昏強也
孫炎云夙夜之強也書曰不昏作勞周禮注民不愍作勞有
似於罷字獨作愍釋文昏本或作瞢音敏爾雅昏瞢皆訓強
故兩存

越其罔有忝稷 釋文越本又作粵音曰于也

汝悔身何及 熹平石經身作命按熹平石經久亡今所殘賸
字僅見於洪适隸釋中亦未知所傳確否也其餘碑刻蕪雜
今皆不錄

相時儉民 說文引作相時慙民誤作詩曰云慙疾利口也又

儉字下云誠也反不引書熹平石經儉作散今並不從

若火之燎于原不可嚮邇其猶可撲滅 春秋傳引作惡之易

也如火之燎于原不可鄉邇其猶可撲滅嚮鄉古今字

人惟求舊器非求舊 上求字石經無下求字石經作殺

予不掩爾善 釋文掩本又作弇

汝無侮老成人無弱孤有幼 石經汝作女他汝皆放此無皆

作母侮老作翕侮弱作流

用德彰厥善 宣元六王傳成帝詔作用德章厥善王嘉傳哀

帝詔亦作用德章厥善

邦之臧惟汝眾國之不臧惟予一人有佚罰 國語引作國之
臧則維女眾國之不臧則惟予一人是有逸罰

各恭爾事齊乃位度乃口 石經恭作共下乃作爾

誕告用亶其有眾咸造 釋文亶馬本作單音同按唐本以其
有眾三字屬上句咸造二字屬下句不成文理今定其有眾
咸造爲句

保后胥慤 石經胥慤作胥高

今予將試以汝遷安定厥邦汝不憂朕心之攸用 石經上汝

作爾邦作國下句作今女

不其或稽自怒曷瘳 石經作其或迪怒作怨

汝誕勸憂 石經誕作永

予迓續乃命于天 匡謬正俗引般庚予御續乃命于天迓御

古今字

予丕克羞爾 石經丕作不

高后丕乃崇降罪疾 石經崇作知罪作闕

汝有戕則在乃心 石經戕作近

乃祖乃父至丕乃崇降弗祥 石經作興降丕永釋文我高后

本又作乃祖乃父此誤也

嗚呼 石經作於戲

汝分猷念以相從各設中于乃心 石經汝分猷作女比猶設

作翕

顛越不恭至于茲新邑 春秋傳引盤庚之誥曰其有顛越不
共則劓殄無遺育無俾易種于茲邑

盤庚既遷 石經盤作般

曰無戲怠懋建大命 石經作女罔台民懋作助

今予其敷心腹腎腸歷告爾百姓于朕志 石經予作我正義

云夏侯等書心腹腎腸作憂賢陽管寧傳優賢陽歷注引今
文尚書解云謂揚其所歷試魏都賦注引盤庚曰優賢揚歷
今並不從

嘉績于朕邦 石經嘉作綏

爾謂朕曷震動萬民以遷 石經作今爾惠朕曷祗動萬民以
遷按堯典震驚朕師史記作振內則祗見孺子注或作振震
振祗通

弔由靈 釋文弔音的

尚皆隱哉 石經隱作乘

予其懋簡相爾 石經懋簡作助蘭

盤庚第六

高宗彤日 史記殷本紀所載與此篇略同其小異者錄出之
釋文彤音融

高宗彤日越有雉雉 本紀作帝武丁祭成湯明日有飛雉登
鼎耳而响外戚傳作高宗彤日粵有雉雉雉响越粵並通

祖已曰惟先格王正厥事 本紀作祖已曰王勿憂先修政事
外戚傳作祖已曰惟先格王正厥事孔光傳引書曰惟先假
王正厥事五行志後律術志亦引作假王

乃訓于王曰惟天監下民 本紀作祖已乃訓王曰惟天監下民中絕命 本紀作民中絕其命石經作民中絕命

天既孚命正厥德乃曰其如台 本紀作天既附命正厥德乃曰其奈何孔光傳引書曰天既付命正厥德石經孚亦作付王司敬民罔非天膺典祀無豐于昵 本紀作王嗣敬民罔非天繼常祀毋禮于弃道釋文昵女乙反尸子云不避遠昵昵近也又乃禮反馬云昵考也謂禰廟也正義郭璞注釋詁卽尼也引尸子悅尼而來遠是尼爲近也尼與昵音義同

高宗彤日第七

西伯戡黎 史記殷本紀所載與此篇略同其小異者錄出之
說文戡作戣引商書西伯旣殳黎云殺也按五行志泠州鳩
曰王心弗殳孟康注古堪字今左傳作堪釋詁堪勝也注引
書西伯堪黎戡殳堪音義並通殷本紀黎作飢周本紀作者
宋世家作阼說文習字下又引商書西伯戡習徐廣云阼音
耆索隱注耆卽黎也鄒誕生云本習音黎應劭注地理志郭
璞注釋詁並作黎與唐本同今止依唐本釋文伯亦作栢此
誤也

西伯旣戡黎 本紀作西伯伐飢國滅之

祖伊恐奔告于王曰 本紀作紂之臣祖伊聞之而咎周恐奔
告紂曰

天子 本紀少此三字

格人元龜罔敢知吉 本紀作假人元龜無敢知吉徐廣云元

一作卜

惟王淫戲用自絕 本紀戲作虐

故天棄我至不迪率典 本紀作故天弃我不有安食不虞知

天性不迪率典鄭本康亦作安釋詁康安也

大命不孽今王其如台 本紀作大命胡不至今王其奈何說

文引作周書大命不藝讀若摯同釋詁摯臻也臻至也正義
摯至同音故摯爲至也按尚書其如台史記皆作其奈何凡
三見蓋古之常訓

王曰嗚呼我生不有命在天 本紀王作紂無嗚呼二字天下
有乎字宋世家文同

祖伊反至篇末 本紀作祖伊反曰紂不可諫矣說文引商書
誤作祖甲返

西伯戡黎第八

微子 史記宋世家所載與此篇略同其小異者錄出之

微子若曰父師少師 宋世家作微子度紂終不可諫欲死之
及去未能自決乃問於太師少師曰

殷其弗或亂正四方至用亂敗厥德于下 世家作殷不有治
政不治四方我祖遂陳於上紂沈湎於酒婦人是用亂敗湯
德於下釋文酬況具反說文作酬

殷罔不小大 世家作殷既小大

凡有辜罪乃罔恒獲小民方興 世家作皆有罪辜乃無維獲
小民乃並興

今殷其淪喪若涉大水其無津涯 世家作今殷其典喪若涉

水無津涯

曰父師少師至若之何其 世家作曰太師少師我其發出往
吾家保於喪今女無故告予顛躋躋如之何其鄭本狂亦作往
說文引商書亦作予顛躋躋躋通鄭云其語助也齊魯之間
聲如姬禮記曰何居其居音相通釋文耄本又作旄按周禮
再赦曰老旄孟子反其旄倪皆作旄耄通

父師若曰 世家父作大

天毒降災荒殷邦 世家作天篤下苗亡殷國劉表遺袁譚書
亦有天篤降害毒篤通

方興沈酗于酒 世家無此一句

乃罔畏畏咈其耆長 世家作乃毋畏畏不用耆長說文咈違也引書咈其耆長

舊有位人 世家無此四字

今殷民乃攘竊神祇之犧牷牲 世家作今殷民乃陋淫神祇之祀

用以容至篇末 世家無

用父讎歛 馬本讎作稠云數也說文稠多也按讎稠音相通古或通用但以義言之當以作稠者爲長今當從之

我興受其敗 說文退敦也引作周書我興受其退

我罔爲臣僕 釋文一本無臣字此脫漏耳

自靖人自獻于先王 馬本靖作清云潔也

微子第九

周書

牧誓 史記周本紀所載與此篇略同其小異者錄出之

時甲子昧爽 周本紀作二月甲子昧爽

王朝至于商郊牧野乃誓 本紀作武王說文牧野作姆野律

術志作牧埜

王左杖黃鉞右秉白旄 本紀作武王說文引周書左杖黃戍

右秉白髦禮記注引書武王左杖黃鉞右秉白旄以麾釋文

鉞本又作戍

逖矣西土之人 本紀作遠矣西土之人釋詁逖遠也疏逖古

文選

王曰嗟我友邦冢君 本紀作武王曰周禮注引此誓曰我友

邦冢君

御事 本紀無此二字

及庸蜀羌髳微盧彭濮人

詩如蠻如髦傳髦夷髦也箋髦西

夷別名武王伐紂其等有八國從焉髳髳音相轉義相通本

紀盧作縕釋文髳茂侯反

稱爾戈 釋言偁舉也注引稱爾干

古人有言曰至惟冢之索 本紀惟無曰字餘與唐本同五行

志引武王誓師文並同

今商王受惟婦言是用 本紀作今殷王紂惟婦人言是用五行志作今殷王受惟婦言用

昏棄厥肆祀弗咎昏棄厥遺王父母弟不迪 本紀作自弃其先祖肆祀不咎昏棄其家國遺其王父母弟不用石經作任父母

乃惟四方之多罪逋逃是崇是長是信是使 谷永傳引作四方之逋逃多罪是宗是長是信是使

是以爲大夫卿士 本紀無此一句

以姦究于商邑 本紀究作軌邑作國

惟恭行天之罰 本紀恭作共

不愆于六步七步 本紀愆作過下同無于字禮記注引下文

不愆亦作不過無于字釋言誓過也愆誓古今字

夫子勗哉 本紀勗作勉下同釋詁勗勉也

不愆于四伐五伐六伐七伐乃止齊焉勗哉夫子 樂記駟伐

注駟當爲四引牧誓今日之事不過四伐五伐樂書用樂記

文正作四說文引周書勗哉夫子

尙桓桓 說文引周書作尙桓桓

如虎如貔如熊如羆 本紀作如虎如羆如豺如離徐廣云離與螭同說文引周書如虎如貔

弗迓克奔 本紀作不禦克奔鄭本亦作不禦克奔馬本亦作禦王肅本作御讀御爲禦匡謬正俗引此作弗御克奔按古禦字但作御詩亦以御冬傳云御禦也古迓字亦作御詩以御于家邦傳云御迎也鵲巢箋亦訓御爲迎禮記大夫士必自御之注御當爲訝公羊傳跋者御跋者眇者御眇者皆訝也詩作御周禮作訝釋詁作迓云迎也迓訝御禦並通奔奔古今字

爾所弗勗其于爾躬有戮 本紀作爾所不勉其于爾身有戮
釋詁躬身也

牧誓第十

洪範 史記宋世家所載與此篇略同其小異者錄出之宋世
家作鴻範五行志作洪範朱浮傳作鴻範蔡邕傳亦作鴻範
魏武帝紀注同說文範作范洪鴻範范並通

惟十有三祀王訪于箕子 漢書五行志所載此篇非全文其
小異者亦錄出之宋世家作武王既克殷訪問箕子無惟十
有三祀一句五行志文與唐本同

王乃言曰嗚呼箕子 世家作武王曰於乎無箕子二字志作

王乃言曰烏虆箕子

惟天陰隲下民相協厥居我不知其彝倫攸斁 世家作維天
陰定下民相和其居我不知其常倫所序志與唐本同釋詁
彝常也

箕子乃言曰至彝倫攸斁 世家作箕子對曰在昔鯀陞鴻水
汨陳其五行帝乃震怒不從鴻範九等常倫所敷鯀則殛死
禹乃嗣興天乃錫禹鴻範九等常倫所序志與唐本同說文
引作鯀壘洪水云壘塞也亦作陞石經作伊鴻水曰陳其五

行說文引商書彝倫攸殛釋文殛或作極

初一日五行至威用六極 世家無諸次字無敬用及念用等
字威作畏志與唐本同惟敬作羞協作肘又作艾威作畏師
古注肘讀曰叶艾讀曰父孔光傳亦作羞用五事鄭本農讀
爲醲石經作臼建用皇極次六曰艾用三德有次字與唐本
同說文稽作叶谷永傳作饗用五福畏用六極馬本威亦作
畏

一五行至土爰稼穡 世家及志文並同但首句無一字世家
爰作曰王本同釋詁爰曰也

潤下作鹹至稼穡作甘 志無

二五事至睿作聖 世家及志文並同但首句無二字世家又作治哲作智志睿作容又作艾哲作慈應劭云睿古文作睿國語注引作叡作聖馬本又亦作治王肅本哲亦作慈鄭本作哲讀爲哲

三八政至八曰師 以下志無世家文同但首句無三字石經有食二曰貨三曰祀四曰司空

四五紀至五曰歷數 世家首句無四字

五皇極至其作汝用咎 世家首句無五字敷作傳羅作離康

作安無虐斃獨作毋侮鰥寡于其無好下少德字馬本無虐
作亡侮

無偏無頗至歸其有極 世家文同但無皆作毋石經無亦皆
作毋頗亦作頗唐明帝詔改頗爲陂今不從明帝詔及佳謬
正俗義並作誼義誼音義並通呂氏春秋引母或作好遵王
之道母或作惡遵王之路高誘注或有也韓非子引無或作
利從王之指無或作惡從王之路春秋傳引商書無偏無黨
王道蕩蕩謂之商書者以其爲箕子所陳本商家舊典也田
千秋傳亦作無偏無黨文皆略同說文亦引商書無有作攷

今不從

曰皇極之敷言至以爲天下王 世家皇作王敷作傳彝作夷
下二訓字皆作順馬本皇亦作王第三訓亦作順王本第三
訓亦作順訓順音義並通

六三德至高明柔克 世家首句無六字變作內沈潛作沈漸
春秋傳引商書沈漸剛克高明柔克潛漸古字通

惟辟作福至民用僭忒 世家無之字石經家下有而字僻作
辟荀爽傳作惟辟作威惟辟作福惟辟王食王嘉傳作臣無

有作威作福亡有王食臣之有作威作福王食害于而家凶
于而國人用側頗辟民用僭慝劉向傳作臣之有作威作福
害于而家凶于而國按此三傳則作威當在作福之前但亦
無關理體今止從唐本僻辟忒慝並通

七稽疑 世家無七字

曰雨曰霽 世家作曰雨曰濟鄭本亦作濟按釋天濟謂之霽
注今南陽人呼雨止爲霽疏引此周禮太卜注引洪範曰雨
曰濟古文尚書濟作沍霽濟沍音義並通

曰蒙 世家作曰霧索隱云霧音蒙蒙與霧亦通鄭王本皆作

曰霽按釋天天氣下地不應曰霽注言蒙昧疏引此周禮太
卜注引洪範作曰𩇛音同霽蒙霽𩇛霧音皆相轉但以義言
之當以作霽者爲長今從之釋文蒙徐亡鉤反是徐邈亦讀
蒙爲霽也

曰驛 世家作曰涕索隱云涕音亦周禮太卜注引洪範作曰
雨曰濟曰圉曰𩇛曰𩇛詩箋古文尙書以𩇛爲圉圉明也正
義云古文尙書卽今鄭注尙書是也無以𩇛爲圉之字惟洪
範稽疑論卜兆有五曰圉注云圉者色澤光明蓋古文作𩇛
今文作圉賈逵以今文校之定以爲圉故鄭依賈氏所奏從

定爲團說文引尚書曰團讀若驛驛團音相通按司馬相如傳昆蟲閭澤猶愷悌也悌懌音義亦通史記曰涕在曰霧之上鄭本王本日團在曰雫之上周禮注曰團在曰蠹之上今唐本作曰蒙曰驛次序不合但此亦無關理體今仍之

曰克 本或作剋

曰貞曰悔 說文作𠄎云卦之上體也引尚書曰貞曰𠄎

凡七卜五占用二衍貳 世家凡七卜五占之用二衍貳按月令宿離不貳呂氏春秋亦作貳貳通鄭康成以下五占用爲句二衍貳爲句王肅以下五爲句占用二爲句衍貳爲句

王義爲長今從之

立時人作卜筮三人占則從二人之言 世家作作爲鄭本同
春秋傳引商書三人占從二人郊祀志引洪範三人占則從
二人言

謀及乃心 世家作謀及女心石經作乃心

謀及庶人 周禮鄭司農注洪範所謂謀及庶民石經人作民
鄭本亦作民

身其康彊子孫其逢吉 世家二句上各有而字

八庶徵 世家無八字

曰燠 世家作與下同

五者來備各以其敍 世家作各以其序荀爽傳五韙咸備注
韙是也李雲傳五氏來備氏是古字通此誤連上文曰時爲
句而以是訓時也今不從

庶草蕃廡 世家作庶草繁廡說文引商書作庶草繁無云豐
也按封禪書今歲豐廡郊祀志作豐楹釋詁蕪茂豐也蕃繁
廡蕪無楹茂皆古今字

曰休徵至時風若 世家又作治哲作知五行志作休徵曰肅
時雨若艾時陽若愆時與若謀時寒若聖時風若

曰咎徵至恒風若 世家豫作舒蒙作霧恒皆作常志作咎徵
曰狂恒雨若僭恒陽若舒恒與若急恒寒若霧恒風若師古
注霧莫豆反蒙霧霧音相轉楊震傳張衡傳引恒暘並作
陽鄭本王本豫皆作舒釋文豫徐又音舒

曰王省惟歲 以下志無世家無曰字省作省馬本同按春秋
肆大眚公羊傳作大省省眚通

父用明俊民用章 世家父作治下同俊作峻下同
星有好風星有好雨 天文志引此文同

日月之行則有冬有夏 世家無則字天文志引此文同

九五福一曰壽 世家無九字鄭注周禮八柄五曰生以馭其

福引五福一曰壽

四曰貧 鄭注八柄六曰奪以馭其貧引六極四曰貧

洪範第十一

金縢 史記魯世家所載與此篇略同其小異者錄出之

既克商二年王有疾弗豫 世家作武王克殷二年天下未集

武王有疾不豫說文引周書作有疾不愈云愈喜也釋文豫

本又作杼

二公曰我其爲王穆卜 世家作羣臣懼太公召公乃繆卜徐
廣云古書穆字多作繆

公乃自以爲功爲三壇同墠 世家作周公於是乃自以爲質
設三壇無同墠爲壇於南方七字

北面周公立焉植璧秉珪 世家作周公北面立戴璧秉圭鄭
云植古置字周禮注引書周公植璧秉圭

乃告太王王季文王史乃冊祝 世家作告于大王王季文王
史策祝鄭本冊亦作策冊策通

曰惟爾元孫某至以旦代某之身 世家作曰惟爾元孫王發

勤勞阻疾若爾三王是有負子之責於天以旦代王發之身
隗囂傳亦作負子之責鄭云丕讀曰不愛子孫曰子元孫遇
疾若汝不救是將有不愛子孫之過爲天所責欲使爲之請
命也按臯陶謨子弗子鄭讀子將吏反樂記易直子諒注云
子讀如不子之子此注愛子孫曰子皆當音將吏反不子即
不字猶言不慈耳丕與不通子與字通蘓秦云父母不子亦
此義也禹貢陪尾史記作負尾是負有陪音與丕音相近釋
文丕普悲反馬同是由不而不由丕而陪由陪而負以致此
誤當以鄭義爲長又按廟中不諱周公冊祝於三王之前不

當諱武王稱某合依史記稱名鄭云諱之者由成王讀之也
說亦可通今仍之

予仁若考 世家作且巧按考字當作巧貫下材藝表記辭欲
巧集說作考考巧古字通

乃元孫不若且 世家作乃王發不如且

罔不祇畏 世家作罔不敬畏

嗚呼 世家無此二字

無墜天之降寶命我先王亦永有依歸 世家寶作葆有依作
有所依鄭本亦有所字

今我卽命于元龜至我乃屏璧與珪 世家今我下有其字珪
皆作圭歸下有以字

乃卜三龜至乃並是吉 世家作於是乃卽三王而卜卜人皆
曰吉發書視之信吉周公喜開籥乃見書遇吉

公曰體至能念予一人 世家作周公入賀武王曰王其無害
旦新受命三王維長終是圖茲道能念予一人周禮占人注
引周公卜武王占之曰體王其無害王藻注引周公曰體王
其無害

公歸乃納冊于金縢之匱中王翼日乃瘳 世家作周公藏其

策金縢匱中誠守者勿敢言明日武王有瘳釋言翌明也注
引此翼翌通

武王既喪至公將不利于孺子 世家作其後武王既崩成王
少在強葆之中周公恐天下聞武王崩而畔周公乃踐阼代
成王攝行政當國管叔及其羣弟流言於國曰周公將不利
於成王

周公乃告二公曰我之弗辟我無以告我先王 世家作周公
乃告太公望召公奭曰我之所以弗辟而攝行政者恐天下
畔周無以告我先王太王王季文王說文引周書作我之不

壁云法也釋文馬鄭音避謂避居東都今並不從

周公居東二年則罪人斯得 世家作管蔡武庚等果率淮夷而反周公乃奉成王命與師東伐作大誥遂誅管叔殺武庚放蔡叔寧淮夷東土二年而畢定

于後公乃爲詩以貽王名之曰鴟鴞王亦未敢誚公 世家作周公歸報成王乃爲詩貽王命之曰鴟鴞王亦未敢訓周公徐廣云訓亦作誚說文誚古文譙引周書亦未敢誚公詩序成王未知周公之志公乃爲詩以遺王名之曰鴟鴞焉釋言貽遺也按歸報之說史記誤也

秋大熟未獲至我勿敢言 世家作秋未獲暴風雷雨禾盡偃
大木盡拔周國大恐成王與大夫朝服以開金滕書王乃得
周公所自以爲功代武王之說二公及王乃問史百執事史
百執事曰信有昔周公命我勿敢言按此則當以公命我勿
敢言六字爲句周禮注引王與大夫盡弁開金滕之書乃得
周公所自以爲功代武王之說釋文噫馬本作懿○魯世家
秋未獲至歲則大熟凡一百五十餘字本用金滕經文當在
王亦未敢訓周公之下成王七年之上今在周公卒後之下
乃錯簡也若移上此簡於周公卒後下竟接於是成王乃命

魯得郊事理既合文亦順從此亦讀史者所當知

王執書以泣曰其勿穆卜 世家作成王執書以泣曰自今後
其無繆卜乎

昔公勤勞王家惟予冲人弗及知 世家作昔周公冲作幼
惟朕小子其新逆 世家作惟朕小子其迎釋文新逆馬本作
親迎按詩疏鄭如字讀云改先時之心更自新以迎周公

金縢第十二

大誥 此篇史記無其文漢書載王莽依周書作大誥至可鄙
惡然亦可因其文而知今之大誥不大異于伏生所傳也但

文既竄易難可憑準今不悉錄釋文誥本亦作崋

猷大誥爾多邦 釋文馬本作大誥繇爾多邦正義亦云鄭王

本猷在誥下按猷訓道也王莽大誥亦作大誥道云云是古
本猷字多在大誥下但唐本在大誥上於文爲順今仍之

越爾御事 禮記注引書越乃御事

弗弔天降割于我家不少延洪惟我幼沖人 釋文弔如字馬

本割作害讀不少延爲句正義亦云鄭王皆以延上屬爲句
按王莽大誥作不弔天降喪于趙傅丁董洪惟我幼沖孺子
是西漢人已明以不少延爲句洪惟下屬爲句足證唐本不

少爲句之誤今從之

卽命曰 按金縢今我卽命於元龜則可知卽命爲命龜而兆詞如下文所云也唐本以紹天明卽命爲句義頗未安今不從

有大艱于西土 說文引作我有載于西今不從

王害不違卜 孟子引湯誓時曰曷喪作害喪詩傳害何也又

曷害也此篇後文凡曷字王莽大誥皆作害害曷古字通

予造天役 王莽大誥作予遭天役前文弗造誓莽亦作未遭其明悉按周本紀引呂刑兩造具備徐廣云造一作遭文侯

之命嗣造天丕愆王肅亦訓造爲遭造遭古字通

無愆于恤 說文愆愆也引周書無愆于卹

天棐忱辭 王莽大誥作天輔誠辭孔光傳作天棐謚辭言有誠道天輔之也釋詁棐輔也謚誠也按詩天難忱斯說文引作謚棐輔義通忱謚誠音義並通

矧肯構 一本作矧弗肯構下文作矧弗肯獲正義云弗爲衍字又鄭王本於矧肯構下有厥考翼其肯曰予有後弗棄基十二字與下文重出正義云取喻旣同不應重出蓋先儒見

下有而上無謂其脫而妄增之

大誥第十三

康誥 史記衛世家於此篇及酒誥梓材但撮大意不依經文
今不錄

惟三月哉生魄 律術志魄作霸云死霸朔也生霸望也說文
魄亦作霸云月始生霸然也承大月二日承小月三日周書
曰哉生霸釋詁哉始也注引尙書三月哉生魄釋文魄又作
鬼魄鬼霸通

克明德慎罰不敢侮鰥寡庸庸祇祇威威 大學引康誥克明

德春秋傳申公巫臣引周書曰明德慎罰又韓厥引周書曰不敢侮鰥寡又羊舌職引周書所謂庸庸祗祗者謂此物也殪戎殷春秋傳荀林父引周書曰殪戎殷中庸作壹戎衣注衣讀如殷聲之誤也殪壹古字通

乃寡兄勗 詩箋寡妻寡有之妻引書乃寡兄勗

今民將在祗遘乃文考 釋詁通循也孫炎云適古述字讀聿釋言通述也詩傳聿述也適聿述古字通

恫癯乃身 釋詁鰥病也癯鰥通

天畏棐忱 魏志袁紹與公孫瓚書作天威棐譔文選注引尚

書作天威棐忱

怨不在大亦不在小惠不惠懋不懋 國語引怨不在大亦不
在小春秋傳齊子旗引周書曰惠不惠茂不茂

應保殷民 史記年表引詩戎狄是膺作應何奴列傳亦作戎
狄是應應膺音義並通

作新民 大學引康誥作新民

王曰嗚呼封敬明乃罰人有小罪非眚 緇衣引康誥敬明乃
罰釋文眚本亦作省

時乃大明服 春秋傳上偃引周書乃大明服

非汝封又曰剿則人 此又曰明屬衍文

殺越人于貨腎不畏死罔弗憖 孟子引康誥殺越人于貨閔
不畏死凡民罔不譟釋詁腎強也注引此說文亦引周書腎
不畏死云腎冒也又云憖怨也又引凡民罔不憖腎閔憖譟
並通

矧惟不孝不友至刑茲無赦 春秋傳白季引康誥曰父子兄
弟罪不相及又苑何忌引康誥曰父不慈子不祇兄不友弟
不共不相及也此不用其辭而但撮大意也釋言鞠釋也注

引兄亦不念鞠子哀王符傳引書曰文王作罰刑茲無赦釋
文弔音的

爽惟民迪吉康 鄭以迪字下讀爲句今從之

康誥第十四

酒誥 說見康誥揚雄法言謂酒誥之篇俄空焉藝文志謂酒
誥脫簡一召誥脫簡二今亦未見脫者何在或劉向以中古
文校而補之

王若曰 歐陽大小夏侯馬鄭王各本並作成王若曰此至無理馬氏已云言成王者未聞也吾以爲後錄書者加之孔穎達亦云妄也

明大命于妹邦 鄭云詩邶風有沫之鄉沫之北沫之東詩傳沫衛邑妹沫音通

有正有事無彝酒 周禮注引此二句文同但正作政肇牽車牛遠服賈 釋言肇敏也注引此

罔敢湏于酒 說文湏沈于酒也引周書罔敢湏于酒

誕惟厥縱淫泆于非彝 釋文泆又作逸亦作佚

民罔不盡傷心 說文盡傷痛也引周書民罔不盡傷心釋文

盡許力反

庶羣自酒 正義自俗本多誤爲嗜定本作自

古人有言曰人無于水監當于民監 國語申胥曰王盍亦鑑於人無鑑于水注引此監鑑古今字

汝劼毖殷獻臣 說文劼慎也周書曰汝劼毖殷獻臣釋文劼苦八反

圻父薄違農父若保宏父定辟 王安石以圻父薄違爲句農父若保爲句宏父定辟爲句詩傳祈父司馬也職掌封圻之

兵甲祈圻音義並通按周禮鄉師受州里之役要以攷司空之辟注辟功作章程司農云辟法也則宏父定辟之爲司空有證矣王氏之讀實勝前人今從之

盡執拘以歸于周 說文引周書盡執柯今不從

酒誥第十五

梓材 說見康誥釋文梓本亦作杼馬云古作梓正義云今文作梓

王啓監厥亂爲民 周禮立其監注監謂公侯伯子男各監一國引書王啓監厥亂爲民

至于屬婦 說文引周書至于嫺婦云嫺婦人妊身也今不從
既勤垣墉 釋宮注引既勤垣墉

惟其塗丹雘 說文雘善丹也周書惟其敷丹雘讀若霍塗敷
音相轉

皇天既付中國民 馬本付作附

和懌先後迷民 釋文懌本又作斃下同

梓材第十六

召誥 此篇史記無其文

惟二月既望越六日乙未王朝步自周則至于豐 魯世家作

成王七年二月乙未王朝步自周至豐律術志引召誥惟二月既望粵六日乙未

惟太保先周公相宅 魯世家作使太保召公先之雒相土

越若來三月惟丙午朏 律術志引武成篇曰粵若來又引召

誥惟三月丙午朏說文引周書丙午朏周禮注引召誥越三日戊申至甲寅位成文同惟洛皆作雒釋文朏芳尾反

周公朝至于洛 魯世家作其三月周公往營成周雒邑

越三日丁巳用牲于郊牛二 郊祀志昔者周文武郊於豐鄩

成王郊於雒邑引書越三日丁巳用牲于郊牛二

則無遺壽考 孔光傳太后詔引書作無遺耆老

其不能誠于小民 說文誠和也引此

用顧畏于民畧 說文畧暫也引周書畏于民畧讀與嚴同

敢以王之讎民 釋文讎或作酬按古無呼民爲讎之理讎酬

音義雖通當以作酬者爲長今從之

召誥第十七

洛誥 此篇史記無其文

朕復子明辟 魯世家作成王長能聽政於是周公乃還政於

成王

倅來 說文作倅釋詁倅使也按詩莽云不逮莫予莽蜂倅倅
倅莽並通

孺子其朋孺子其朋其往 爰延傳周公戒成王曰其朋其朋
言慎所與也注引書孺子其朋孺子其朋慎其往按此注多
一慎字於文勢差明然未有他證魏志蔣濟雖云慎於其朋
何晏雖云其朋其朋言慎所與但恐係釋其文義未必以經
文本有慎字也今不敢據

無若火始燄燄 梅福傳引書作無若火始庸庸

敘弗其絕 馬讀敘字屬下

享多儀至凡民惟日不享 孟子引書此文與唐本同但少第一惟字

乃惟孺子頒朕不暇 說文引作乃惟孺子敝云分也亦讀與彬同

汝乃是不覆 釋文覆莫剛反

旁作穆穆迂衡不迷文武勤教 漢獻帝冊魏王文引作御衡不迷此截上下爲句耳

亦未克敘公功 說文敘撫也引周書亦未克敘公功讀若弭

公定 正義讀文以公定爲句

公無困哉 元后傳作公母困我杜周傳亦作公母困我東觀
書章帝詔亦作公母困我今當從之

弘朕恭 釋詁弘大也疏引此

戊辰至篇末 律術志作是歲十二月戊辰晦周公呂反政故
洛誥篇曰戊辰王在新邑烝祭歲命作策惟周公誕保文武
受命惟七年按周本紀武王立于社南尹佚筮祝此逸祝冊
卽武王時之尹佚也逸佚冊筮策並通釋文馬以王在新邑
絕句鄭讀王在新邑烝正義鄭以烝祭上屬據漢書當以王

在新邑爲句烝祭歲爲句馬義爲長釋文又云馬以惟周公
誕保文武受命絕句今並從之

洛誥第十八

多士 史記魯世家於此篇僅依經文數語今亦錄出

非我小國敢弋殷命 釋文弋徐音翼馬本作翼義同正義鄭

本王本弋作翼王云翼取也鄭云翼猶驅也非我周敢驅取
汝殷之王命雖訓爲驅亦爲取義詩正義引多士亦作敢翼
殷命注云驅也弋翼音義並通

嚮于時夏 釋文馬以時字絕句今不從

大禹洸有辭 釋文洸又作侑馬本作屑云過也今並不從

自成湯至于帝乙至罔不配天其澤 魯世家作自湯至于帝

乙無不率祀明德帝無不配天者

在今後嗣王至罔顧于天顯民祇 魯世家作在今後嗣王紂
誕淫厥佚不顧天及民之從也

無違 石經無作无

王曰多士 石經作王曰告爾多士

今朕作大邑于茲洛予惟四方罔攸賓 石經作茲雒予惟四
方罔攸責

爾不啻不有爾土 釋文啻徐本作邇音同下篇倣此

爾厥有幹有年于茲洛爾小子乃興從爾遷 石經作有年于
茲雒爾小子乃興從爾遷

多士第十九

無逸 史記魯世家於此篇依經文僅數十語今亦錄出周本紀作無佚魯世家作母逸梅福傳作亡逸

相小人至否則侮厥父母 石經稿作書逸作勅諺作憲誕作延否作不今並不從魯世家母逸稱爲人父母爲業至長久子孫驕奢忘之以亡其家爲人子可不慎乎此不用其辭而撮其意也非異文

周公曰嗚呼我聞曰 魯世家無此八字

昔在殷王中宗至七十有五年 魯世家作故昔在殷王中宗

嚴恭敬畏天命自度治民震懼不敢荒寧故中宗饗國七十五年馬本嚴作儼石經作嚴恭寅畏天命自亮以民祇懼

其在高宗時至五十有九年 世家作其在高宗久勞于外爲與小人作其卽位乃有亮闇三年不言言乃讜不敢荒寧密靖殷國至于小大無怨故高宗饗國五十五年馬本亦作爲與小人論語子張引書云高宗諒陰三年不言喪服四制引書云高宗諒闇三年不言王吉傳作高宗諒闇後漢張禹傳亦作諒闇鄭本作梁闇喪服四制注亦云諒古作梁五行志作涼陰後五行志亦作涼陰亮諒涼梁音並通陰闇音相轉

檀弓引書作高宗三年不言言乃謹坊記作高宗云三年其
惟不言言乃謹鄭本亦作言乃謹國語注引作三年不言言
乃雖石經作或怨肆高宗之饗國百年劉向傳亦作高宗有
百年之福

其在祖甲至三十有三年 世家作其在祖甲不義爲王久爲
小人于外知小人之依能保施小民不侮鰥寡故祖甲饗國
三十三年馬本亦作久爲小人洪适隸釋書石經後云孔氏
敘商三宗以年多少爲先後此碑獨闕祖甲計其字蓋在中
宗之上以傳序爲次也但云高宗饗國百年異耳

自時厥後立王至惠鮮鰥寡 史記無釋詁耽樂也詩又作湛
傳湛樂之久耽湛通杜欽傳引書云或四三年馬本卑作俾
今不從石經柔作朶恭作共小民作小人鮮鰥作于矜谷永
傳亦作懷保小人惠于鰥寡

自朝至于日中昃至厥享國五十年 世家作文王日中昃不
暇食饗國五十年國語引文王至于日中昃不遑暇食惠于
小民唯政之恭邛惲傳作槃于游山釋詁般樂也盤般槃通
按釋言惶暇也注引詩不遑啓處陸德明云通作皇遑皇惶
通釋文昃本亦仄○魯世家文王日中昃十三字本用無逸

經文當在祖甲饗國三十三年之下多士稱曰之上今史記
本乃錯簡

則其無滯于觀于逸于游于田以萬民惟正之供 石經作酒
母効于遊田供作共

無皇曰 石經作毋兄曰按秦誓我皇多有之公羊傳作而況
乎我多有之詩倉兄填兮職兄斯引傳並云兄滋也陸德明
云兄音況本亦作況管子書皆以況爲兄尹翁歸字子兄師
古云兄讀曰況皇兄況通

無若殷王受之迷亂 劉向傳作毋若殷王受

民無或胥譱張爲幻 說文譱訓也讀若醺引周書無或譱張
爲幻釋訓併張誑也注引此詩誰侮予美皇后紀汝今輒張
馬本譱亦作併譱醺併輒通說文幻相詐惑也張騫傳聲軒
眊人師古注眊讀與幻同西域傳條支國善眊讀同應劭注
眊相詐惑也幻眊通

此厥不聽 石經不聽作不聖

人乃訓之乃變亂先王之正刑 石經作人乃訓變亂正刑
則皇自敬德 楊震傳作則還自敬德石經作則兄自敬德厥
衡曰朕之衡王本皇作況云況滋益用敬德也

不永念厥辟、王本讀辟爲扶亦反云不長念其刑辟今不從
周公曰嗚呼嗣王其監于茲 石經作公曰於戲嗣王監于茲
無逸第二十

君奭 史記燕世家於此篇僅依經文數語今亦錄出

其終出于不祥 馬本終作崇詩傳崇終也石經終作道祥作
詳

嗚呼君已日時我 石經作於戲君口白時我

在我後嗣子孫至在家不知 王莽傳作我嗣事子孫大不克
其上下過失前人光在家不知按國語管子淫佚皆作淫失

公羊傳佚獲也陸德明云佚一本作失漢書多以佚爲失佚失通

天命不易天難諶乃其墜命 王莽傳作命不易天應莽諶乃亡隊命

我適惟寧王德延 馬本我道作我迪

我聞在昔成湯既受命至保乂有殷 燕世家作周公乃稱湯時有伊尹假于皇天在太戊時則有若伊陟臣扈假于上帝巫咸治王家在祖乙時則有若巫賢在武丁時則有若甘般率惟茲有陳保乂有殷按史記止此數句魏武帝九錫文引

作伊尹格于皇天

在昔上帝割申勸寧王之德其集大命于厥躬 緇衣引君奭
在昔上帝周田觀文王之德其集大命于厥躬割申勸寧王
皆誤注云古文周田觀文王之德爲割申勸寧王之德今博
士讀爲厥亂勸寧王之德今亦不從

亦惟有若虢叔至有若南宮括 詩子曰有奔走疏引此周本
紀作太顛馬本作南君括

無能往來 朱雲傳容身保位亡能往來

迪見冒 馬本冒作曷

昭武王惟冒 說文瞶低目視也引周書武王惟瞶今不從

我則鳴鳥不聞 釋文本或作鳴鳳者非

矧曰其有能格 魏志注引亦作其有能格

惟時二人弗戡 釋詁戡勝也陸云堪字又作戡詩未堪家多

難傳堪任也戡堪通

君奭第二十一

多方 此篇史記無其文

不克終日勸于帝之迪 馬本迪作攸云所也按迪字與道形

相近適卽攸字疑馬本因此而誤

因甲于內亂 鄭王皆以甲爲狎釋言甲狎也按詩能不我甲
韓詩作狎甲狎古字通

罔丕惟進之恭 高祖本紀蕭何爲主吏主進顏師古云進者
會禮之財字本作賁聲轉爲進陳遵傳可以償博進矣義同
按此經罔丕惟進之恭進亦當作賁乃肩好貨之意也故下
文曰洪舒于民丕字古與不通

洪舒于民 古文作洪茶薛氏云大爲民茶毒也按玉藻諸侯
茶前詘後注茶讀舒遲之舒考工記斲目必茶注鄭司農云

茶讀爲舒又寬緩以茶注茶古文舒假借字

叨憤日欽 說文饗貪也一作叨春秋傳謂之饗饗孔穎達亦云饗卽叨也按梁后紀貪叨罪惡袁術傳贊術旣叨貪張綱傳肆其貪叨皆作叨說文又云𡵓忿戾也引周書有夏氏之民叨𡵓𡵓讀若摯按易懲忿窒欲鄭注窒作憤大學忿懣注懣或作憤或作𡵓叨饗憤𡵓摯窒懣𡵓並通

克以爾多方簡 釋詁東擇也簡東通

不燭烝 釋文烝絕句

天惟五年須假之子孫 鄭本暇作夏云夏之言暇按律術志

夏假也封禪書非少寬假郊祀志作寬暇暇夏皆與假通春
秋傳天假之年是也釋詁頌待也須頌通

至于再至于三乃有不用我降爾命 文三王傳引至于再三
有不用我降爾命

我乃其大罰殛之 釋文殛本又作極

爾尚不忌于凶德 說文引周書作上不基于凶德云基忌也
忌基通

尙永力畋爾田 說文畋平田也引周書畋尔田

多方第二十二

立政 此篇史記無其文

王左右常伯常任準人綴衣虎賁 說文引周書常伯常任石
經準作辟班固傳作虎賁贅衣注贅綴也綴贅通

謀面用丕訓德 石經謀上有亂字

其在受德賢 說文引周書作在受德忝讀若旻云彊也賢忝
通

奄甸萬姓 釋言弁同也蓋也注引詩奄有龜蒙奄弁通

灼見三有俊心 說文引周書焯見三有俊心云焯明也石經
俊作會

文王惟克厥宅心 石經作王維厥度心

以並受此丕丕基 石經作受茲丕丕其

嗚呼 石經作於戲

予旦已受人之微言 石經作旦以前人之微言

國則罔有立政用儉人 釋文儉本又作懋

是罔顯在厥世 石經在作哉

其勿以儉人其惟吉士用勩相我國家 說文引周書勿以諗

人又云勩勉力也引周書用勩相我國家讀若厲

以觀文王之耿光 石經耿光作鮮光

立政第二十三

顧命 史記周本紀於此篇但撮大意不依經文今不錄伏生二十八篇內顧命首尾止一篇周本紀分作顧命康誥兩篇馬鄭王本並分自王若曰以下爲康王之誥蓋孔壁所得分伏書一篇爲兩實非有異於伏書也今仍從伏生本

惟四月哉生魄王不懌甲子王乃洮頽水 律術志作惟四月

哉生霸王有疾不豫甲子王乃洮沫水作顧命王莽傳作載生魄說文引亦作哉生霸馬本不懌作不釋說文類作沫云

古文作類

憑王几 說文引周書凭王几云依几也讀若馮周禮注鄭司
農引顧命成王將崩命太保芮伯畢公等被冕服憑王几此
不全用其辭而約其意也

用克達殷集大命 石經作通殷就大命詩傳集就也
在後之侗 說文侗作詞云共也引在夏后之詞馬本亦作詞
云共也按說文誤增一夏字

無敢昏逾 說文逾遞進也引周書無敢昏逾

爾無以劓冒貢于非幾 馬鄭本冒貢並作勗賴

茲既受命還 石經既作卽

越翼日乙丑王崩 律術志作翌日乙丑成王崩周禮注鄭司
農引顧命亦作成王崩馬本亦作成王崩

以二千戈至恤宅宗 周禮注引書以虎賁百人逆子釗班固
傳注引尙書延入翼室恤度宗度居也宗尊也

狄設黼屨綴衣 喪大記作狄人云狄人設階祭統作翟云翟
者樂吏之賤者也狄翟通石經黼屨作黼衣屨衣古字通
敷重篋席黼純 說文引周書作布重莫席織弱席也讀與蔑
同釋文純之允反下同

陳寶赤刀 說文作陳案赤刀云案藏也案古文保周禮注鄭

司農引顧命作陳寶云康王既陳先王寶器

鼗鼓 考工記鼓長八尺謂之鼗鼓釋樂大鼓謂之鼗詩賁鼓
維鏞傳賁大鼓也鼗賁古字通

大輅在賓階面至次輅在右塾之前 周禮輅作路典路注鄭
司農引顧命作大路在賓階面賁路在阼階面先路在左塾

之前次路在右塾之前輅路綴贅並通

二人雀弁 儀禮作爵弁說文雀讀與爵同

四人綦弁 馬本作騏云青黑色鄭本亦作騏云青黑曰騏引詩我馬維騏按詩縞衣綦巾作綦其弁伊騏作騏綦騏音義並通

一人冕執戣立于東垂 說文戣兵也周制侍臣執戣立于東垂

一人冕執瞿 說文瞿作鑼云兵器也

一人冕執銳 說文銳作銳云銳侍臣所執兵也从金允聲周

書曰一人冕執銳讀若允按揚雄傳充鉦癢皆臣似按合作
銳鉦正義引鄭本誤作銳云矛屬王應麟所集鄭氏尚書注
仍作銳今從之

由賁階躋 釋詁躋陞也公羊傳躋者何陞也說文躋登也按
微子告予顛躋史記作顛躋躋躋通

太保承介圭上宗奉同瑁 說文介作玠云大圭也徐鉉注說
文云同爵各引周書太保受同躋故從口考工記作冒瑁冒
通

王三宿三祭三咤 馬本咤作詫說文引周書王三宿三祭三

託云奠爵酒也釋文咤陟嫁反字亦作宅按下文祭濟宅宅字卽此咤也前後異文實止一字賴釋文此語今猶可考堯典五流有宅鄭讀宅爲咤尤爲明證蓋王雖奠爵太保進受之時王必復取以授之及太保奠爵宗人進受太保亦復取以授之經於王之奠言受於太保之奠言授乃互相明耳舊解俱非以未考釋文不知宅卽爲咤字也

祭濟宅 說文濟嘗也引周書太保受同祭濟

俟 釋詁俟待也俟竝通

賓稱奉圭兼幣 說文作稱奉玠圭

用敷遺後人休 說文引周書用敷遺後人

王若曰 釋文馬本從此以下爲康王之誥歐陽大小夏侯同爲顧命正義云馬鄭王本此篇自高祖寡命已上內於顧命之篇王若曰已下始爲康王之誥諸侯告王王報誥諸侯而使告報異篇失其義也按卽陸孔此言可知顧命本止一篇諸儒自以意分之耳

底至齊信 王本訓齊爲中釋言齊中也按中忠古字通齊信猶忠信也馬本讀底至齊絕句今不從

顧命第二十四

呂刑 史記周本紀所載此篇非全文其小異者亦錄出之周
本紀甫侯言於王作修刑辟命曰甫刑匈奴列傳於是周遂
作甫刑之辟至孝經禮記諸書引此篇皆云甫刑按國語謂
申呂雖衰齊許猶在是本爲呂也詩崧高則云生甫及申揚
之水則云戍申戍甫戍許是後改爲甫也呂甫一國通稱其
實經文自當作呂刑爲長

王享國百年耄荒度作刑以詰四方 周本紀已見前刑法志
周道旣衰穆王眊荒命甫侯度時作刑以詰四方周禮注詰
猶禁也引書度作詳刑以詰四方多一詳字樂記注兩引書

王羣荒是漢人皆以羣荒爲句也釋文羣本亦作羣羣耗羣
通

鵠義姦奪攘矯虔 釋文義本亦作誼說文引周書作敼攘
矯虔云敼彊取也按檀弓齊莊公襲莒于奪注奪或爲兌奪
敼兌音相轉

苗民弗用靈制以刑惟作五虐之刑曰法 緇衣引甫刑作苗
民匪用命制以刑惟作五虐之刑曰法墨子引作苗民否用
練折則刑惟作五殺之刑曰法按否字古與不通練卽靈聲
之轉論語片言可以折獄魯論折作制制折亦聲相轉

爰始淫爲劓則椽黥 說文引周書作劓劓黥云去陰之刑也正義引作劓則劓劓椽黥劓黥並通正義又云夏侯等書作臚宮劓割頭庶劓今不從

越茲麗刑并制 詩民之無辜并其臣僕箋引此

報虐以威 漢書敘酷吏報虐以威殃亦凶終

乃命重黎絕地天通 國語楚昭王問於觀射父注引此

皇帝清問下民至德明惟明 趙岐注孟子引帝清問下民無皇字今不從表記引甫刑德威惟威德明惟明非虞帝其孰能如此乎鍾繇傳引皇帝清問下民鰥寡有辭于苗

伯夷降典折民惟刑 刑法志引作伯夷降典愆民惟刑馬本

亦云愆智也今不從

三后成功惟殷于民 楊賜傳引此文同

士制百姓于刑之中 梁統傳作爰制百姓于刑之衷中衷通

敬忌罔有擇言在身 表記引甫刑敬忌而罔有擇言在躬

非時伯夷播刑之廸 緇衣引甫刑作播刑之不廸注不衍字

耳

今爾罔不由慰日勤 釋文曰一作曰

天齊于民俾我一日 馬本俾作矜楊賜傳作天齊乎人假我

一日

一人有慶兆民賴之其寧惟永 春秋傳引一人有慶兆民賴之其寧惟永孝經緇衣皆引甫刑一人有慶二句賈誼傳亦引二句文並同

王曰吁來有邦有土告爾祥刑 自此以上周本紀無自此以下至五刑之屬三千周本紀文略同周本紀作王曰吁來有國有土告汝祥刑劉愷傳非先王詳刑之意也注引書有邦有土告汝詳刑鄭注云詳審察之也仲長統傳作祥刑注引書作教爾祥刑是章懷太子一人而所見已有兩本也按周

禮注引書度作詳刑以詰四方君奭其終出于不祥石經作其道出于不詳易視履考祥陸德明云本亦作詳祥詳音義並通馬本吁作于吁于通

在今爾安百姓何擇非人何敬非刑何度非及 本紀作在今爾安百姓何擇非其人何敬非其刑何居非其宜與

兩造具備至正于五過 本紀文同惟孚作信徐廣云造一作遭

五過之疵惟官惟反惟內惟貨惟來其罪惟均其審克之 本紀作五過之疵官獄內獄閱實其罪惟均其過無其審克之

一句按此於五過僅舉其二史記疎也馬本來作求云有求
請賕也按馬注衍一賕字說文謂賕以財物枉法相謝也从
貝求聲是卽上文惟貨不得重出注但當作有求請也四字
唐本惟來其義難通馬作惟求爲長漢律有受賕之條卽經
所云惟貨也又有聽請之條卽經所云惟求也今從之

五刑之疑有赦五罰之疑有赦其審克之 本紀文同

簡孚有衆至具嚴天威 本紀作簡信有衆惟訊有稽無簡不
疑其嚴天威說文引作惟緇有稽云旄絲也今不從

墨辟疑赦至其罰千鍰閱實其罪 本紀作黥辟疑赦其罰百
率閱實其罪劓辟疑赦其罰倍灋閱實其罪臠辟疑赦其罰

倍差閱實其罪宮辟疑赦其罰五百率閱實其罪大辟疑赦其罰千率閱實其罪周禮注墨黥也徐廣云率卽鍰也音刷索隱云舊本率亦作選蕭望之傳張敞曰甫刑之罰小過赦薄罪贖有金選之品應劭云選音刷金銖兩名師古云字本作銖銖卽鍰也說文鍰銖也考工記注鄭司農云銖量名也讀爲刷馬融云銖當與呂刑鍰同五經異義云夏侯陽說墨罰疑赦其罰百率古以六兩爲率是史記所用乃歐陽夏侯本也鍰率選銖義並通徐廣又云灋一作莛按古灋莛音通但五倍曰莛其數太多當從唐本惟倍爲是釋言莛別也

荆跽通本紀作贖義並通宮罰五百率亦誤六爲五當從唐
本說文引罰百鍰云鍰鉞也誤作虞書周禮注引作大辟二
百贖辟三百宮辟五百則墨各千亦誤釋文鍰徐戶關反
墨罰之屬千至五刑之屬三千 本紀文同但荆作贖刑法志
引此文亦同但荆作贖自此以下史記無

上刑適輕下服下刑適重上服 劉愷傳引尚書上刑挾輕下
刑挾重

刑罰世輕世重 荀子引書刑罰世重世輕周禮注文同唐本
應劭傳作刑罰時輕時重

哀敬折獄 于定國傳作哀鰥哲獄按哀鰥卽論語哀矜也矜
鰥通文選注引作哀矜折獄

明清于單辭 朱浮傳有人單辭告浮事者注單辭無正據也
引書明清于單辭鄧禹傳亦有單辭

報以庶尤 說文引作報以庶訛云訛罪也

呂刑第二十五

文侯之命 史記晉世家所載此篇非全文其小異者亦錄出
之

王若曰父義和 晉世宋文同鄭云義讀爲儀儀仇皆訓匹也

故名仇字儀按周禮注鄭司農云古者書儀但爲義今時所謂義爲誼可謂儀和確證史記誤以此篇爲襄王命文侯重耳獨賴康成此注以正之一字之寶何啻百鎰也釋文義本又作誼

丕顯文武至集厥命于文王 世家作丕顯文武克慎明德昭登于上布聞在下維時上帝集厥命于文武此下史記無卽我御事罔或者壽俊在厥服 漢成帝紀引作卽我御事罔克著壽咎在厥躬

其伊恤朕躬嗚呼有績予一人永綏在位 世家作恤朕身繼

予一人永其在位此下史記無

汝多修扞我于艱 說文引周書作毀我于艱

用賚爾秬鬯一卣 說文引周書賚尔秬鬯

文侯之命第二十六

費誓 史記魯世家所載此篇非全文其小異者亦錄出之魯
世家作盼誓裴駰云按尚書作柴周禮注引亦作柴誓曾子
問注引亦作柴誓說文云周書有柴誓從米北聲按春秋論
語諸書魯邑皆作費費盼柴柴並通

公曰嗟人無譁至並與 史記無

善敕乃甲冑至無敢不善 魯世家作陳爾甲冑無敢不善說
文敕擇也引周書敕乃甲冑蔽繫連也讀若矯引周書蔽乃
干釋文敕了彫反

今惟淫舍牯牛馬至牯之傷汝則有常刑 世家但有無敢傷
牯一句說文牯牛馬牢也引周書今惟牯牛馬敕閉也讀若
杜斂塞也引周書斂乃穽按周禮雍氏塞阱杜獲注引柴誓
作敕乃獲斂乃阱王陵傳杜門師古注本作敕釋文杜本又
作敕獲華化反斂徐乃協反

馬牛其風至誘臣妾汝則有常刑 世家作馬牛其風臣妾逋

逃勿敢越逐敬復之無敢寇攘踰墻垣鄭云攘博士讀曰襄
甲戌我惟征徐戎至篇末 世家作魯人三郊三隧峙爾芻蕘
糗糧楨幹無敢不逮我甲戌築而征徐戎無敢不及有大刑
說文引周書峙乃餼糧王本三遂亦作三隧

費誓第二十七

秦誓 史記秦本紀於此篇僅依經文數語今亦錄出

公曰嗟我士聽無譁予誓告汝羣言之首 秦本紀作乃誓於
軍曰嗟士卒聽無譁余誓告汝此下史記無

若弗云來 正義員旣云也是尚書本作員衛包改古文始作

云按詩聊樂我員陸明德謂本作云昏姻孔云陸又謂本作員景員維河箋謂員古文作云云員通

惟古之謀人至則罔所愆 秦本紀作古之人謀黃髮番番則無所過此下史記無古文作雖則員然

番番良士 釋文番音波

仡仡勇夫 說文引周書仡仡勇夫馬本仡仡作訖訖釋文仡許訖反

惟截截善謫言俾君子易辭我皇多有之 公羊傳作惟譏譏善淨言俾君子易怠而況乎我多有之陸明德云淨本或作

編馬本編作偏說文編便巧言也引周書截截善編言又引周書作𦵏𦵏巧言李尋傳昔秦穆公說談談之言賈逵注國語談談巧言也王逸引書談談靖言截談音相轉釋文編音辨徐敷連反

如有一个臣至亦曰殆哉 大學引秦誓曰若有一个臣斷斷兮無他技其心休休焉其如有容焉人之有技若己有之人之彥聖其心好之不啻若自其口出實能容之以能保我子孫黎民尚亦有利哉人之有技媚疾以惡之人之彥聖而違之俾不通寔不能容以不能保我子孫黎民亦曰殆哉公羊

傳作惟一介斷斷焉無他技其心休休能有容是難也馬本
王本並作一介孔光傳援納斷斷之介是漢人皆作介也說
文引周書昭昭猗正義猗是兮之類詩河水清且漣猗是也
公羊傳實來者何猶曰是人來也高誘注戰國策是實也是
寔實音義並通釋文介字又作个伎本亦作技他本亦作它
邦之机隍 說文引周書邦之隕隍云班固說不安也按易作
輓脰說文引作𦵏𦵏音義同但顛倒其字耳釋文机五骨反
隍五結反